
3. Txoj hauv kev txais kev saib xyuas kho mob

Kev saib xyuas uas ua tib zoo saib xyuas

Cov kev pab cuam pom zoo siv rau me nyuam hluas

Koj tsuas yuav tau txais cov kev pab cuam hauv qab no yam tsis tas tau koj niam txiv kev tso cai yog tias koj muaj 12 xyoos los sis laus dua lawm:

- Kev saib xyuas kev noj qab haus huv fab siab ntsws rau cov neeg mob sab nrauv (cov me nyuam yaus uas muaj hnuv nyoog 12 xyoos los sis siab dua):
 - Kev quab yuam rau kev sib deev (tsis hais txog cov yuav muaj hnuv nyoog li cas)
 - Kev ua phem fab kev sib daj sib deev nrog rau cov neeg txheeb ze
 - Kev ua phem fab lub cev
 - Kev ua phem rau me nyuam yaus
 - Thaum koj xav tias yuav ua rau koj raug mob los sis lwm tus raug mob (cov me nyuam hnuv nyoog 12 xyoos los sis laus dua)
- Kev pov thaiv/kev sim/kev kho mob HIV/AIDS
- Kev pov thaiv/kev sim/kev kho cov kev kis kab mob los ntawm kab mob sib kis los ntawm kev sib deev
- Cov kev pab cuam kho kev quav yeeb quav tshuaj (cov me nyuam yaus uas muaj hnuv nyoog 12 xyoos los sis laus dua) Txhawm rau muab kev paub ntxiv mus saib hauv “Cov kev pab cuam kho kev quav yeeb quav tshuaj” nyob rau hauv phau ntawv qhia no.

Yog tias koj muaj hnuv nyoog qis dua 18 xyoo, koj tuaj yeem mus ntsib tau tus kws kho mob yam tsis tau kev tso cai los ntawm koj niam koj txiv los sis tus saib xyuas rau tej yam kev pab cuam no:

- Cev Xeeb Menyuum
- Kev tawm phiaj xwm tsev neeg/kev caiv kom tsis txhob muaj me nyuam
- Cov kev pab cuam rho me nyuam tawm

Rau kev kuaj cev muaj me nyuam, cov kev pab cuam tawm phiaj xwm tsev neeg, kev tswj kev muaj me nyuam, los sis cov kev pab cuam txog kev sib kis kab mob los ntawm kev sib daj sib deev, tus kws kho mob los sis khw kuaj mob uas tsis tas yuav yog ib feem ntawm Anthem nev vawj koom lag luam. Koj tuaj yeem xaiv Medi-Cal tus kws pab kho mob twg los tau thiab mus cuag lawv rau cov kev pab cuam no yam tsis tas ua ntawv xa los sis tau kev pom zoo-ua ntej (kev tso cai-ua ntej). Cov kev pab cuam los ntawm tus kws pab kho mob uas tsis nyob rau lub nev vawj uas tsis cuam tshuam txog qhov |kev saib xyuas mob uas ua tib zoo saib xyuas tej zaum yuav tsis raug pab them. Rau kev pab nrhiav tus kws kho mob los sis lub chaw kuaj mob uas muab cov kev pab cuam no, los sis kev pab kom tau txais cov kev pab cuam no (suav nrog kev thauj mus los), koj tuaj yeem hu tau rau peb Lub Chaw Saib Xyuas Tub Lag Luam nyob rau hnuv Monday txog hnuv Friday thaum 7 teev sawv ntxov txog 7 teev tsaus ntuj tus xov tooj hu dawb ntawm **800-407-4627 (TTY 711)** los sis **888-285-7801 (TTY 711)** rau cov tswv cuab nyob rau hauv Los Angeles.

Cov me nyuam hluas tuaj yeem sib tham nrog ib tus sawv cev yam tsis pub lwm tus paub txog ntawm cov kev hnyav siab txog kev noj qab haus huv uas yog kev hu rau tus Xov Tooj Pab Kho Mob 24/7 hu dawb 24 teev hauv ib hnuv, xya hnuv rau ib vij, suav nrog cov hnuv so, ntawm **800-224-0336 (TTY 711)**.

4. Cov txiaj ntsig thiab cov kev pab cuam

Yam dab tsi koj lub phiaj xwm tuav pov hwm kev noj qab haus huv them rau

Nyob rau tshooj no yuav piav qhia tag nrho koj cov kev pab cuam uas pab them rau tam li yog ib tus tswv cuab ntawm Anthem. Koj cov kev pab cuam uas tau pab them rau yog dawb xwb tsuav cov kev pab cuam ntawd muaj kev tsim nyog rau fab kev kho mob thiab raug muab los ntawm tus kws kho mob uas nyob rau hauv lub nev vawj. Koj yuav tsum hais peb kom muaj kev pom zoo-ua ntej (kev tso cai ua ntej) yog tias qhov kev saib xyuas nyob sab nrauv-ntawm-lub nev vawj tsis suav rau cov kev ua zoo saib xyuas, cov kho mob xwm txheej ceev thiab qee cov kev kho maj ceev. Tej zaum koj lub phiaj xwm kev noj qab haus huv yuav pab them rau cov kev pab cuam uas muaj kev tsim nyog rau fab kev kho mob los ntawm tus kws pab kho mob uas tsis nyob rau hauv nev vawj. Tab sis koj yuav tsum thov Anthem muab kev pom zoo-ua ntej (kev tso cai ua ntej) rau qhov no. Cov kev pab cuam uas muaj kev tsim nyog rau fab kev kho mob muaj zoo laj thawj zoo thiab muaj kev tsim nyog txhawm rau pov thaiv koj txoj sia, pab kom koj tsis mob hnyav heev los sis xiam oob qhab, los sis txo qhov mob hnyav los ntawm tus mob uas raug ntaus nqi, kev muaj mob los sis raug mob. Rau Cov Tswv Cuab hnuv nyoog qis dua 21 xyoos, Medi-Cal cov kev pab cuam suav nrog kev saib xyuas uas tsim nyog rau fab kev kho mob txhawm rau txhim kho los sis pab txo cov mob los sis tus yam ntxwv mob fab siab ntsws los sis lub cev ntaj ntsug. Rau cov kev qhia meej tseeb ntxiv hais txog koj cov kev pab cuam uas tau pab them, hu rau peb Lub Chaw Saib Xyuas Tub Lag Luam nyob rau hnuv Monday txog hnuv Friday thaum 7 teev sawv ntxov txog 7 teev tsaus ntuj tus xov toj hu dawb ntawm **800-407-4627 (TTY 711)** los sis **888-285-7801 (TTY 711)** rau cov tswv cuab uas nyob rau hauv Los Angeles.

Cov tswv cuab muaj hnuv nyoog qis dua 21 xyoos yuav tau txais txiaj ntsig thiab kev pab cuam ntxiv. Mus Nyeem Tshooj 5: Tus me nyuam los sis tub ntxhais hluas qhov kev saib xyuas txhawm rau muab kev paub ntxiv.

Qee cov txiaj ntsig fab kev noj qab haus huv uas Anthem muab yog tau teev tseg rau hauv qab no. Cov txiaj ntsig uas muaj lub cim hnuv qub (*) tej zaum yuav tsum tau txais kev pom zoo ua ntej.

- Kev cog koob*
- Kev kho mob thiab kev pab cuam rau kev kho hom mob ceev (kev kho ncuu sij hawm luv) nyob rau tom tsev
- Kev txhaj tshuaj tiv thaiv kab mob rau cov neeg laus (hno tshuaj)
- Kev kuaj kev tsis haum tshuaj thiab cov kev txhaj tshuaj
- Kev pab cuam tsheb thauj neeg mob rau kev mob muaj xwm txheej ceev
- Cov kev pab cuam kws tshuaj loog
- Kev pov thaiv mob hawb pob
- Kev Hnov Lus*
- Kev kho mob rau kev coj cwj pwm*
- Kev kho plawv kom rov ua hauj lwm zoo li qub
- Cov kev pab cuam kho pob txha*
- Kev Kho Mob Siv Tshuaj Khes Mis thiab Kev Kho Mob Siv Duab Hluav Taws Xob
- Kev ntsuam xyuas kev noj qab haus huv fab kev txawj ntse
- Cov kev pab cuam neeg ua hauj lwm saib xyuas kev noj qab haus huv hauv zej zog
- Cov kev pab cuam neeg laus raws zej zog*
- Cov kev pab txhawb zej zog*
- Cov kev pab cuam lim raum/lim ntshav
- Cov khoom siv kho mob uas kav ntev (DME)*
- Kev mus kho hauv chav kho mob muaj xwm txheej ceev
- Kev tswj xyuas mob nkeeg uas muaj kev txhim kho*
- Kev xa zaub mov raws txoj hlab nqos mov thiab raws cov hlab ntsha*
- Kev mus cuag thiab sab laj rau lub chaw hauj lwm pab tawm phiaj xwm rau tsev neeg (koj tuaj yeem mus cuag tus kws kho mob tsis nyob rau cov khoom tes)
- Cov kev pab cuam pab txhim kho kom zoo thiab cov khoom siv*
- Cov cuab yeej pab rau kev hnov lus
- Kev saib xyuas kev noj qab haus huv tom tsev*
- Kev tu thaum tsev kho mob tsis lav lawm*
- Kev saib xyuas fab kev kho mob los sis phais mob rau neeg mob sab hauv*
- Kev coj qauv mus kuaj xyuas kab mob thiab kev xoo hluav taws xob*
- Kev saib xyuas kho mob ncuu-ntev*
- Kev kho mob thiab kev pab cuam rau kev kho mob tom tsev ncuu sij hawm ntev*
- Kev saib xyuas leej niam thiab tus me nyuam mos yug tshiab
- Kev hloov nqaij nruab nrog cev uas tseem ceeb*
- Kev kho mob uas yog siv kev ua hauj lwm*
- Txhais khau pab txheem xib taws/ cov txhais ceg cuav*
- Cov khoom siv rau kev tho hnyu tawm thiab hlab zis
- Cov kev pab neeg mob tsis pw hauv tsev kho mob*
- Cov kev pab cuam kev noj qab haus huv fab puas siab puas ntsws rau neeg mob sab nrauv
- Kev phais neeg mob sab nrauv*

- Kev saib xyuas kho mob hnyav*
- Cov kev mus ntsib tus PCP
- Cov kev pab cuam kho me nyuam yaus
- Kev kho lub cev*
- Cov kev pab cuam kho ko taw*
- Kev kho lub ntsws kom rov ua hauj lwm zoo li qub
- Kev Xam Xyuas Cov Roj Ntsha Genome Tag Nrho Kom Tau Ceev
- Cov kev pab cuam kho kom zoo thiab cov khoom siv*
- Cov kev pab cuam kev tu mob los ntawm tus kws saib xyuas mob muaj kev txawj*
- Cov kev mus ntsib tus kws kho mob tshwj xeeb
- Kev kho kom hais tau lus*
- Cov kev pab cuam phais mob
- Kev hu qhia siv tshuaj/Hu kho mob kev deb
- Cov kev pab cuam hloov cev*
- Kho mob maj ceev
- Cov kev pab cuam kho qhov pom kev*
- Kev pab cuam kom cov poj niam muaj kev noj qab haus huv

Medi-Cal cov txiaj ntsig uas tau pab them los ntawm Anthem

Cov kev pab neeg mob sab nrauv (neeg mob tsis pw hauv tsev kho mob)

Cov kev ntsuam xyuas kev noj qab haus huv fab kev txawj ntse

Anthem pab them cov kev ntsuam xyuas kev noj qab haus huv fab kev txawj ntse luv - luv ib xyoo ib zaug rau cov tswv cuab uas muaj hnuv nyoog 65 xyoo los sis tshaj ntawd, thiab yog tsis li ntawd yuav tsis muaj cai tau txais qhov kev tsuam xyuas uas zoo sib thooj uas yog li ib feem ntawm kev mus saib xyuas kev noj qab nyob zoo ib xyoo ib zaug raws li lub Khoos Kas Medicare. Kev ntsuam xyuas kev noj qab haus huv fab kev txawj ntse yog nrhiav cov tsos mob ntawm tus mob Alzheimer los sis mob puas hlwb.